

BENEVENTO-TARDE = 2 A 0.. JE' CCHIU' FORTE 'U STREGA CA 'U SAMMARZANE

L'ha mann't Aldo "Diecipalazzine"

lunedì 26 gennaio 2009

Ultimo aggiornamento lunedì 26 gennaio 2009

E ssine! ‘U liquore Strega tène 40 gràde. ‘Mbèce ’u Sammarzane ne tène sùle 34. Vuscke de cchiù quidde ggiàlle ca quidde gnùre. Eppure ‘u liquore de Gesèppe Borsci ha nàte ind’u 1840 e quidde de Alberti ind’u 1860. Ma le napoletàne dicène ca ‘u lòre jè ‘u liquore cchiù andiche d’u múnne… seeeeee ma scè grattàte ‘u cùle alle scimmie. O’ pallòne site cchiù ffòrte vuje ma ‘u liquore nuèstre jè megghje. Se sàpe, Benevènde jè ‘a tère delle strèghe. Se dice ca addà se ngundravène ste strèghe e decevène: « Unguento unguento mandame a la noce di Benivento supra acqua et supra ad vento et supra ad omne maltempo. »

‘U Tàrde avève accumenzàte a sciucà aggarbàte. Bèlle! Allègre, allègre. Ma cumborme (non appena) ‘u Benevènde ha fàtte ‘a prime azzione.. hòne salàte le peperùsse. Gol! 1 a 0… Mannaghje d’a Sampdorje! ‘A squadre d’u Tàrde no riuscive a purtà ‘a palle all’attacche. Nu sbuènne d’ammujne a cendrocambe, ma de pàlle nnànze manghe l’ombre. ’U Benevènde n’achiùdève tütte le spazzie e fuscevène accòme ‘a na saète. Purtàvène ‘na camàsce (fiacca) le sciucatùre nuèstre. Specialmòde a defèse a trète ca parève a tre cilindre. Ind’u Benevènde sciucavène CEJAS, COLOMBINI E DE LIGUORI (ca scettàve fuèche). Sciucatùre nuèstre de l’anne passàte ca quidde scungegnàte d’u Presedende s’ha vennùte pe ncassà casckavèdde (quattrini). SPINELLI ève stutàte… ehehe… e mànghe mmijenze, ‘nu cristiane ca fàce fatijà le meròdde (la mente). O’ secònde tiempe parève ca avemma pareggià ma ame pigghjàte ‘u secònde gol grazie a quidde muèrte abbevesciùte (risorto) di MIGLIACCIO. Tenìme ‘nu sciucatòre ca tène ‘u cognome de quèdda citàde ca no sse po’ dicère. Se chiàmme DI (capoluogo della Puglia) ca ha fàtte chiangère. Beh cu quidde cognòme ca se jacchiè ce putève fa? Ehehe… Hòne trasùte MICCO, MAROLDA e ALI’ LOLLI… sine accusi se chiàmme ‘u cristiane. ’A veretàde, tène ‘u nòme de nu càne: Aliiiiiii Aliiiiiii! Avijne aquà! Aliiiii dàmme ‘a zàmpe Aliiiiiii. Già l’hòne numenàte Alijeeeee (ulivo) e speriàmme ca fàce l (olio) bbuène st’Alije ce no nu mangiàmme c’u pàne. Beh! Advedèrce a tütte, bèlle e brutte… e ‘nu pernacchje o’ Cape Redattore… all’amicizziè però! Ehehe…